

乾隆大藏經



乾隆大藏經



中國書店

御製

佛光恩照 三千大千
恒沙法界 普度衆生
身心安泰 年時豐稔
日月升恒 乾坤清寧
上下樂利 中外協和
萬善圓成 情與無情
大清雍正十三年四月初八日
隨緣徧滿
悉證菩提
風雨調順
百昌蕃熾
庶物咸亨
同登正覺

第六一册 小乘論（一〇）

阿毗達磨法蘊足論	一〇卷（卷五至卷一〇）	尊者大目乾連造 唐三藏法師玄奘奉詔譯……………一
立世阿毗曇論	一〇卷	陳天竺三藏真諦譯……………一〇七

宋元續入藏諸論

大乘集菩薩學論	二五卷	法稱菩薩造 宋西天三藏銀青光祿大夫
---------	-----	-------------------

大宗地玄文本論	八卷	試光祿卿普明慈覺傳梵大師法護等奉詔譯……………二六五
金七十論	三卷 此是外道	馬鳴菩薩造 陳真諦三藏譯……………四七五

廣釋菩提心論	四卷	陳天竺三藏真諦譯……………五四五
迦毗羅仙人所造明二十五諦非是佛法		蓮華戒菩薩造 宋西天三藏朝奉大夫試光祿卿

集諸法實最上義論	二卷	傳法大師施護奉詔譯……………五九九
		善寂菩薩造 宋西天三藏朝奉大夫試光祿卿

傳法大師施護奉詔譯……………六二九

金剛針論 一卷

菩提心離相論 一卷

大乘破有論 一卷

集大乘相論 二卷

六十頌如理論 一卷

大乘二十頌論 一卷

佛母般若波羅蜜多圓集要義論 一卷

佛母般若波羅蜜多圓集要義釋論 四卷

大乘寶要義論 一〇卷

菩薩本生鬘論 一六卷

法稱菩薩造 宋三藏傳教大師法天奉詔譯……………六四五

龍樹菩薩造 宋西天三藏朝奉大夫試光祿卿

傳法大師施護奉詔譯……………六五四

龍樹菩薩造 宋西天三藏朝奉大夫試光祿卿

傳法大師施護奉詔譯……………六六一

覺吉祥智菩薩造 宋西天三藏朝奉大夫

試光祿卿傳法大師施護奉詔譯……………六六三

龍樹菩薩造 宋西天三藏朝奉大夫試光祿卿

傳法大師施護奉詔譯……………六七九

龍樹菩薩造 宋西天三藏朝奉大夫試光祿卿

傳法大師施護奉詔譯……………六八三

大域龍菩薩造 宋西天三藏朝奉大夫試光祿卿

傳法大師施護奉詔譯……………六八五

三寶尊菩薩造 大域龍菩薩造本論 宋西天三藏

朝奉大夫試光祿卿傳法大師施護奉詔譯……………六八九

宋西天三藏朝散大夫試鴻臚少卿

傳梵大師法護等奉詔譯……………七二七

聖勇菩薩等造 宋朝散大夫試鴻臚少卿

聖佛母般若波羅蜜多九頌精義論 二卷

大乘緣生論 一卷

諸教決定名義論 一卷

大乘中觀釋論 九卷

施設論 七卷

大乘法界無差別論 一卷

金剛頂瑜伽中發阿耨多羅三藐三菩提心論

一卷 亦名：瑜伽總持教門

說菩提心觀行修持義

彰所知論 二卷

同譯經梵才大師紹德慧詢等奉詔譯……………八〇七

勝德赤衣菩薩造 宋西天三藏朝散大夫

試鴻臚卿傳梵大師法護等奉詔譯……………九六七

聖者鬱楞迦造 唐特進試鴻臚卿

三藏沙門大廣智不空奉詔譯……………九七七

聖慈氏菩薩造 宋西天三藏朝奉大夫

試鴻臚卿傳法大師施護奉詔譯……………九八八

安慧菩薩造 宋三藏朝散大夫試鴻臚卿

光梵大師惟淨等奉詔譯……………九九三

宋西天三藏朝散大夫試光祿卿

傳梵大師法護等奉詔譯……………一〇六一

堅慧菩薩造 唐于闐三藏提雲般若譯……………一一〇七

唐大興善寺三藏沙門大廣智不空奉詔譯……………一一一五

元帝師發合思巴造

宣授江淮福建等處釋教總統法性

三藏弘教佛智大師沙羅巴譯……………一一二三

經集部西土聖賢撰集（一）

出曜經

二〇卷（卷一至卷五）

尊者法救造

姚秦三藏竺佛念譯

一一五七

阿毗達磨法蘊足論

唐三藏法師玄奘奉詔譯

阿毗達磨法蘊足論卷第五

尊者大目乾連造

唐三藏法師玄奘奉詔譯

念住品第九之餘

云何於此內法住循法觀若具正勤正知正念除世貪憂內法者謂自想蘊行蘊若在現相續中已得不失於此內法循法觀者謂有苾芻於內五蓋法觀察思惟內法諸相於有內貪欲蓋如實知我有內貪欲蓋於無內貪欲蓋如實知我無內貪欲蓋復如實知內貪欲蓋未生者生已生者斷斷已於後不復更生如是思惟此內法時所起於法揀擇乃至毗鉢舍那是循內法觀亦名法念住成就此觀現行隨行乃至解行說名爲住彼觀行者能發起勤精進乃至復能於此急疾迅速名

清刻龍藏佛說法變相圖



具正勤彼觀行者能起於法揀擇乃至能圓滿極圓滿名具正知彼觀行者具念隨念乃至心明記性名具正念於諸欲境諸貪等貪乃至貪類貪生總名爲貪順憂受觸所起心憂不平等憂感憂所攝總名爲憂彼觀行者修此觀時於世所起貪憂二法能斷能徧知乃至隱沒除滅是故說彼除世貪憂如說內貪欲蓋說內瞋恚沈睡眠掉舉惡作疑蓋亦爾復有苾芻於內六結法觀察思惟內法諸相於有內眼結如實知我有內眼結於無內眼結如實知我無內眼結復如實知此內眼結未生者生已生者斷斷已於後不復更生如是思惟此內法時所起於法揀擇乃至毗鉢舍那是循內法觀亦名法念住住具正勤正知正念除世貪憂皆如前說如說內眼

結說內耳鼻舌身意結亦爾復有苾芻於內七覺支法觀察思惟內法諸相於有內念覺支如實知我有內念覺支於無內念覺支如實知我無內念覺支復如實知內念覺支未生者生已堅住不忘修滿倍增廣大智作證故如是思惟此內法時所起於法揀擇乃至毗鉢舍那是循內法法觀亦觀法念住住具正勤正知正念除世貪憂亦如前說如說內念覺支說餘內六覺支等亦爾復有苾芻於所說內想蘊行蘊觀察思惟多諸過患謂此法者如病如癰廣說乃至是變壞法如是思惟法過患時所起於法揀擇乃至毗鉢舍那是循內法觀亦名法念住住具正勤正知正念除世貪憂亦如前說云何於彼外法住循法觀若具正勤正知正念除世貪憂外法

者謂自想蘊行蘊若在現相續中未得已失及他有情想蘊行蘊於彼外法循法觀者謂有苾芻於他五蓋法觀察思惟外法諸相於有外貪欲蓋如實知彼有外貪欲蓋於無外貪欲蓋如實知彼無外貪欲蓋復如實知外貪欲蓋未生者生已生者斷斷已於後不復更生如是思惟此外法時所起於法揀擇乃至毗鉢舍那是循外法觀亦名法念住具正勤正知正念除世貪憂亦如前說如說外貪欲蓋說餘外四蓋亦爾復有苾芻於他六結法觀察思惟外法諸相於有外眼結如實知彼有外眼結於無外眼結如實知彼無外眼結復如實知彼外眼結未生者生已生者斷斷已於後不復更生如是思惟彼外法時所起於法揀擇乃至毗鉢舍那是循外法觀

亦名法念住住具正勤正知正念除世貪憂亦如前說如說外眼結說餘外五結亦爾復有苾芻於他七覺支法觀察思惟外法諸相於有外念覺支如實知彼有外念覺支於無外念覺支如實知彼無外念覺支復如實知外念覺支未生者生已堅住廣說乃至智作證故如是思惟彼外法時所起於法揀擇乃至毗鉢舍那是循外法觀亦名法念住住具正勤正知正念除世貪憂亦如前說如說外念覺支說餘外六覺支等亦爾復有苾芻於所說外想蘊行蘊觀察思惟多諸過患謂彼法者如病如癰廣說乃至是變壞法如是思惟法過患時所起於法揀擇乃至毗鉢舍那是循外法觀亦名法念住住具正勤正知正念除世貪憂亦如前說云何於内外法住

循法觀若具正勤正知正念除世貪憂內法

者謂自想蘊行蘊若在現相續中已得不失

外法者謂自想蘊行蘊若在現相續中未得

已失及他有情想蘊行蘊合此二種名內外

法於內外法循法觀者謂有必芻合前自他

想蘊行蘊總爲一聚觀察思惟自他法相謂

前所說內外五蓋六結七覺支等此彼有無

未生生斷不復生相如是思惟內外法時所

起於法揀擇乃至毗鉢舍那是循內外法觀

亦名法念住住具正勤正知正念除世貪憂

亦如前說復有必芻合前自他想蘊行蘊總

爲一聚觀察思惟多諸過患謂此彼法如病

如癰廣說乃至是變壞法如是思惟法過患

時所起於法揀擇乃至毗鉢舍那是循內外

法觀亦名法念住住具正勤正知正念除世

貪憂亦如前說

聖諦品第十

一時薄伽梵住娑羅痾斯仙人論處施鹿林

中爾時世尊告苾芻衆此苦聖諦若於如是

未曾聞法如理思惟定能發生眼智明覺此

苦集聖諦若於如是未曾聞法如理思惟定

能發生眼智明覺此苦滅聖諦若於如是未

曾聞法如理思惟定能發生眼智明覺此趣

苦滅道聖諦若於如是未曾聞法如理思惟

定能發生眼智明覺復次苾芻此苦聖諦以

通慧應徧知若於如是未曾聞法如理思惟

定能發生眼智明覺此苦集聖諦以通慧應

永斷若於如是未曾聞法如理思惟定能發

生眼智明覺此苦滅聖諦以通慧應作證若

於如是未曾聞法如理思惟定能發生眼智

明覺此趣苦滅道聖諦以通慧應修習若於如是未曾聞法如理思惟定能發生眼智明覺復次苾芻此苦聖諦我通慧已徧知若於如是未曾聞法如理思惟定能發生眼智明覺此苦覺此苦集聖諦我通慧已永斷若於如是未曾聞法如理思惟定能發生眼智明覺此苦滅聖諦我通慧已作證若於如是未曾聞法如理思惟定能發生眼智明覺此趣苦滅道聖諦我通慧已修習若於如是未曾聞法如理思惟定能發生眼智明覺苾芻當知我於如是四聖諦中若未三轉十二行相謂未發生眼智明覺未能於此天人世間魔梵沙門婆羅門等解脫出離未除顛倒多住心故亦未如實能自稱言我證無上正等菩提我於如是四聖諦中若已三轉十二行相謂已發

生眼智明覺便能於此天人世間魔梵沙門婆羅門等解脫出離已除顛倒多住心故亦已如實能自稱言我證無上正等菩提說此法時具壽憍陳那及八萬天子遠塵離垢於諸法中生淨法眼爾時佛告憍陳那言於所說法汝已解耶憍陳那言我今已解第二第三亦復如是以憍陳那先解法故世共號彼爲阿若多地神藥又聞是語已歡喜踊躍高聲唱言佛今於此婆羅痾斯仙人論處施鹿林中憐愍世間諸衆生故欲令獲得利樂事故三轉法輪其輪具足十二相行世間沙門及婆羅門天魔梵等皆無有解如法轉者由佛轉此無上法輪憍陳那等已見聖諦從今天衆漸當增益阿素洛衆漸當損減因斯展轉諸天及人皆獲殊勝利益安樂空行藥叉

聞是聲已歡喜傳告四大王天彼復舉聲展轉相告經須臾頃聲至梵天時大梵王聞已歡喜慶佛爲轉無上法輪利樂無邊諸有情故此中宣說轉法輪事是故名曰轉法輪經時五苾芻八萬天子聞經歡喜信受奉行云何苦聖諦謂生苦苦病苦苦死苦怨憎會苦愛別離苦求不得苦略說一切五取蘊苦云何生苦生謂彼諸有情類即於彼彼有情聚中諸生等生趣入出現蘊得界得處得諸蘊生命根起總名爲生何因緣故說生爲苦有情生時領納攝受種種身苦事故領納攝受種種心苦事故領納攝受種種身心苦事故領納攝受種種身熱惱事故領納攝受種種心熱惱事故領納攝受種種身心熱惱事故領納攝受種種身燒然事故領納攝受種種

心燒然事故領納攝受種種身心燒然事故說生爲苦復次生時受二種苦一者苦苦二者行苦故名生苦云何老苦老謂老時髮落髮白皮緩面皺身曲背偃喘息逾急扶杖而行支體斑黑衰退闇鈍根熟變壞諸行故敗朽壞羸損總名爲老何因緣故說老爲苦有情老時領納攝受種種身苦事故廣說乃至領納攝受種種身心燒然事故說老爲苦復次老時受三種苦一者苦苦二者行苦三者壞苦故名老苦云何病苦病謂頭痛眼痛耳痛鼻痛舌痛面痛脣痛齒痛齦痛喉痛心痛風病嗽病氣病噫病癩病痔病痢病痲病寒病熱病瘧病癰病歐逆瘡腫癰疥瘡癰癰下漏泄瘰癧枯消及餘種種依身心起身心疹疾總名爲病何因緣故說病爲苦有情病時

領納攝受種種身苦事故廣說乃至領納攝受種種身心燒然事故說病爲苦復次病時受二種苦一者苦苦二者行苦故名病苦云何死苦死謂彼諸有情類即從彼彼諸有情聚移轉壞沒退失別離壽暖識滅命根不轉諸蘊破壞天喪殞逝總名爲死何因緣故說死爲苦有情死時領納攝受種種身苦事故廣說乃至領納攝受種種身心燒然事故說死爲苦復次死時受三種苦一者苦苦二者行苦三者壞苦故名死苦云何怨憎會苦怨憎會謂諸有情等不可愛不可樂不可喜不可意而與彼俱一處爲伴不別不異不離不散聚集和合總名怨憎會何因緣故說怨憎會爲苦謂諸有情怨憎會時領納攝受種種身苦事故廣說乃至領納攝受種種身心

燒然事故說彼爲苦復次怨憎會時受二種苦一者苦苦二者行苦故名怨憎會苦云何愛別離苦愛別離謂諸有情等可愛可樂可喜可意不與彼俱不同一處不爲伴侶別異離散不聚集不和合總名愛別離何因緣故說愛別離爲苦謂諸有情愛別離時領納攝受種種身苦事故廣說乃至領納攝受種種身心燒然事故說彼爲苦復次愛別離時受三種苦一者苦苦二者行苦三者壞苦故名愛別離苦云何求不得苦求不得謂希求可意色聲香味觸衣服飲食卧具醫藥諸資身具不得不獲不會不遇不成就不和合總名求不得何因緣故說求不得爲苦謂諸有情求不得時領納攝受種種身苦事故廣說乃至領納攝受種種身心燒然事故說彼爲苦

復次求不得時受二種苦一者苦苦二者行苦故名求不得苦云何略說一切五取蘊苦五取蘊謂色取蘊受想行識取蘊總名五取蘊何因緣故略說一切五取蘊爲苦謂五取蘊無常轉動勞倦羸篤是失壞法迅速不停衰朽非恒不可保信是變壞法有增有減暫住速滅本無而有有已還無由此因緣略說一切五取蘊爲苦如說取蘊皆蘊皆性是苦不安隱故違聖心故如是諸苦名苦諦者謂此名無常真實是無常此名爲苦真實是苦若佛出世若不出世如是苦法住法界一切如來自然通達等覺宣說施設建立分別開示令其顯了謂此是無常此是苦此是無常性此是苦性是真是實是諦是如非妄非虛非倒非異故名苦諦名聖諦者聖謂諸佛

及佛弟子此是彼諦謂彼於此知見解了正覺爲諦由是因緣名苦聖諦

復次苦聖諦者是假使建立名相言說謂苦聖諦過殑伽沙佛及弟子皆共施設如是名故云何苦集聖諦謂所有諸愛後有愛喜俱行愛彼彼喜愛如是略說苦集聖諦若廣說者則二愛三愛復有三愛四愛五愛六愛及一切不善法一切有漏善法一切結縛隨眠隨煩惱纏等皆名苦集聖諦何因緣故所有諸愛後有愛喜俱行愛彼彼喜愛皆名苦集聖諦謂此四愛皆是過去未來現在苦因根本道路緣起廣說乃至此身壞後由此爲因苦果生起故說此名苦集聖諦何因緣故二愛三愛復有三愛四愛五愛六愛及一切不善法一切有漏善法一切結縛隨眠隨煩惱

纏等皆名苦集聖諦謂此諸法皆是過去未來現在苦因根本道路緣起廣說乃至此身壞後由此爲因苦果生起如說愛等皆是苦因能爲根本引衆苦故如是愛等名集諦者謂此名愛等真實是愛等此名爲集真實是集若佛出世若不出世如是集法住法界一切如來自然通達等覺宣說施設建立分別開示令其顯了謂此是愛等此是集此是愛等性此是集性是真是實是諦是如非妄非虛非倒非異故名集諦名聖諦者聖謂諸佛及佛弟子此是彼諦謂彼於此知見解了正覺爲諦由是因緣名苦集聖諦復次苦集聖諦者是假建立名相言說謂苦集聖諦過殑伽沙佛及弟子皆共施設如是名故云何苦滅聖諦謂即諸愛後有愛喜俱行愛

彼彼喜愛無餘永斷棄捨變吐盡離染滅寂靜隱沒如是略說苦滅聖諦若廣說者則二愛三愛復有三愛四愛五愛六愛及一切不善法一切有漏善法一切結縛隨眠隨煩惱纏等無餘永斷棄捨變吐盡離染滅寂靜隱沒皆名苦滅聖諦何因緣故即諸愛後有愛喜俱行愛彼彼喜愛無餘永斷棄捨變吐盡離染滅寂靜隱沒皆名苦滅聖諦謂此四愛若未斷未徧知未滅未吐後有苦果相續生起若已斷已徧知已滅已吐後有苦果不復生起故此永斷等名苦滅聖諦何因緣故即二愛三愛復有三愛四愛五愛六愛及一切不善法一切有漏善法一切結縛隨眠隨煩惱纏等無餘永斷棄捨變吐盡離染滅寂靜隱沒皆名苦滅聖諦謂此諸法若未斷未徧